

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
Služba za upravu poljoprivrede,
vodoprivrede i komunalnih poslova
Broj:02-14-384/II/19
Datum:25.03.2019.



Na osnovu člana 39. Statuta Općine Zavidovići ("Sl. glasnik Općine Zavidovići", broj 5/08 i 5a/08), Programa utroška sredstava sa transfera za razvoj poljoprivrede, planiranog u budžetu Općine Zavidovići za 2019. godinu broj 08-24-205/1/19. od 29.01.2019. godine i Zaključka Općine Zavidovići broj 02-14-384/1/19 od 31.01.2019. godine o usvajanju Programa, Općinski načelnik Zavidovići objavljuje

JAVNI POZIV ZA DODJELU OPĆINSKIH PODSTICAJA SA „TRANSFERA ZA RAZVOJ POLJOPRIVREDE“ PLANIRANOG U BUDŽETU OPĆINE ZAVIDOVIĆI ZA 2019. GODINU

Općina Zavidovići će dati prioritet razvoju pojedinih grana poljoprivredne proizvodnje u skladu sa Strategijom razvoja poljoprivrede općine Zavidovići za period 2018-2023, te podsticati razvoj poljoprivrede kroz sljedeće modele:

2.1. Podrška za držanje stoke - rasplodnih grla goveda,	20 000,00 KM
2.2. Sufinansiranje nabavke lijekova i hrane za pčele udruženju pčelara „Pčelar“, Zavidovići	2 000,00 KM
2.3. Podrška za držanje koka nosilja (proizvodnja konzumnih jaja)	3 000,00 KM
2.4. Podrška novim nasadima jagodičastog i bobičastog voća podignutim od jeseni 2018.do proljeća 2019. godine(malina, kupina, borovnica, aronija, ribizla i jagoda)	2 000,00 KM
2.5. Podrška proizvodnji jagodičastog i bobičastog voća,	24 500,00 KM
2.6. Podrška za sadnju voćaka stablašica (šljiva, jabuka, kruška, višnja, lješnjak, dunja, trešnja, kalemljeni orah i druge voćke stablašice)	2 000,00 KM
2.7. Podrška za ugovorenu proizvodnju povrća (paradajz, paprika, krastavac, salata, kupus, kelj, grah, grašak, luk, mrkva, tikva i bundeva), te ljekovitog bilja zasijanog ili zasađenog u jesen 2018. i proljeće 2019. godine	28 000,00 KM
2.8. Podrška za proizvodnju povrća u plastenicima u 2019 godini	5 000,00 KM
2.9. Podrška za proizvodnju žitarica i krmnog bilja (kukuruz, pšenica, raž, ječam, zob, tritikale, stočna grahorica i grašak, silažni kukuruz, DTS-djetelinske smjese i dr.)	8 500,00 KM
2.10. Podrška za proizvodnju gljiva	1 000,00 KM
2.11. Podrška za organizaciju izložbe poljoprivrednih proizvoda	1 000,00 KM
2.12. Podrška za kupovinu poljoprivredne mehanizacije uređaja i opreme	4 000,00 KM

2.13. Podrška za sufinansiranje kamata za kredite u poljoprivrednoj proizvodnji	2 000,00KM
2.14. Podrška za sufinansiranje projekata u poljoprivredi	30 000,00 KM
2.15 Podrška za izvršenu agropedološku analizu poljoprivrednog zemljišta	2 000,00 KM
2.16. Rezervna sredstva	5 000,00 KM
	<hr/>
	UKUPNO: 140.000,00 KM

OPĆI USLOVI:

- Da podnositelj zahtjeva za podsticaj ima prebivalište kao fizičko lice ili sjedište za pravna lica na teritoriji općine Zavidovići
- Podsticaj mogu ostvariti sva pravna i fizička lica koja su upisana u Registar poljoprivrednih gazdinstava i Registar klijenata kao nositelji poljoprivredne proizvodnje u Općini Zavidovići.
- Podsticaj se može ostvariti samo za proizvodnje i na parcele koje su prijavljene u RPG u Općini Zavidovići a koje se odnose na proizvodnju u stočarskoj ili biljnoj proizvodnji.
- Podsticaj ne mogu ostvariti lica koja su u ranijem periodu, zadnjih deset godina, nenamjenski utrošila sredstva za podsticaje dobijena od Općine, lica koja su za isti predmet podrške već ostvarila podsticaj, podršku, po drugom javnom pozivu u Općini Zavidovići, kao ni lica koja imaju bilo kakvih neizmirenih obaveza prema Općini Zavidovići, niti lica koja su ranije ostvarila podsticaj prevarom.
- Korisnici sredstava iz ovog programa, koji su pravna lica i obrtnici, dužni su dostaviti potvrdu nadležne porezne uprave da nemaju dospjelih, a neizmirenih poreznih obaveza.
- **Zahtjevi za podsticaj sa propisanom dokumentacijom, osim zahtjeva za podsticaj za proizvodnju jagodičastog voća, dostavljaju se na protokol Općine Zavidovići u periodu od 29. Aprila 2019 godine do 15. Juna 2019 godine.**
- **Zahtjevi za podsticaj u proizvodnji jagodičastog voća dostavljaju se nakon izvršene predaje plodova u otkup a najkasnije do 15. Oktobra 2019 godine.**
- **Dokazi o uplati anuiteta (sa kamatom) na kredite za poljoprivredu dostavljaju se do 01.12.2019 godine .**
- Svi korisnici podsticaja moraju dostaviti pismene dokaze o proizvodnji ili nabavci (račun, fiskalni račun, ugovor, otpremnica, pismenu izjavu i slično), što je preciznije utvrđeno posebnim uslovima)

POSEBNI USLOVI:

2.1. Podrška za držanje rasplodnih grla goveda,

Pravo na podsticaj za držanje rasplodnih grla goveda imaju proizvođači koji su prijavljeni u RPG i RK u Općini Zavidovići, i koji u vlastitom ili zakupljenom objektu odnosno na imanju, drže minimalno dva, a maksimalno šest rasplodnih krava starosti preko 24 mjeseca ili ženske ili muške junadi za rasplod starosti preko 10 mjeseci, a koja su prijavljena u RPG i RK na ime podnosioca zahtjeva.

Visina podsticaja iznosi 200,00 KM po prijavljenom grlu goveda.

Svi podnosioci zahtjeva za podsticaj koji imaju veći broj grla stoke od maksimalnog broja u svakoj od pomenutih kategorija stoke iz ovog programa nemaju pravo na općinski podsticaj i upućuju se na ostvarivanje podsticaja putem kantonalnog i federalnog Ministarstva za poljoprivredu, šumarstvo i vodoprivredu.

Na Javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg;
- Broj transakcijskog/tekućeg računa i naziv banke u kojoj je otvoren;
- Broj grla prijavljenih za poticaj sa kategorijama grla,
- Broj poljoprivrednog gazdinstva i broj klijenta;
- Ovjerene kopije pasoša za grla goveda, i da je imanje upisano u jedinstveni registar držaoca domaćih životinja sa brojevima rasplodnih grla i starostima grla.
- Ovjerena izjava da klijent posjeduje rasplodna grla goveda i da za ona grla za koja je ostvaren podsticaj neće biti prodana ili otuđena u periodu od najmanje dvanaest mjeseci od dana dobijanja podsticaja

2.2. Sufinansiranje nabavke lijekova i hrane za pčele udruženju pčelara „Pčelar“ Zavidovići

Sredstva će se dodijeliti Udruženju građana „Pčelar“ Zavidovići. Udruženje je dužno da u roku od 60 dana od dodjele sredstava, prema Općinskom načelniku podnese izvještaj Upravnog odbora o realizaciji odobrenih sredstava, sa tabelarnim pregledom koji će minimalno sadržavati ime i prezime člana Udruženja, broj lične karte, iznos dodijeljenih sredstava i svojeručni potpis člana Udruženja.

Pravo na sufinansiranje imaju svi članovi Udruženja „PČELAR“ srazmjerno broju košnica. Općinski načelnik će, ukoliko se ukaže potreba, imenovati posebnu komisiju koja će izvršiti provjeru činjeničnog stanja.

Na Javni poziv se dostavlja popunjen zahtjev koji će sadržavati:

- Naziv udruženja, sjedište, broj klijenta iz RK,
- Broj transakcijskog/tekućeg računa i naziv banke u kojoj je otvoren,
- Potvrda o izmirenim poreskim obavezama za predhodnu godinu,
- Zbirni fiskalni račun i poreska faktura u iznosu od najmanje 2.000,00 KM, (ili pojedinačni računi od članova udruženje), o nabavci lijekova ili hrane za pčele u 2019. godini,
- Dokaz o namjenski utrošenim sredstvima za posljednja dodijeljena sredstva po javnom pozivu za dodjelu sredstava, (računi i potpisani spiskovi pčelara).

2.3. Podrška za držanje koka nosilja, (proizvodnja konzumnih jaja)

Pravo na premiju za proizvodnju konzumnih jaja imaju fizička lica koja nisu prijavila obrt u poljoprivredi i koja na teritoriji Općine Zavidovići u vlastitom ili zakupljenom objektu imaju organiziranu proizvodnju konzumnih jaja sa 100 do 500 pilenki starih preko tri mjeseca, kao i pravna lica i lica koja su prijavila obrt kao osnovno zanimanje u poljoprivredi i imaju proizvodnju jaja sa 500 do 1.400 komada pilenki starih preko tri mjeseca ili koka nosilja. Iznos premije je 1,00 KM po pilenki.

Lica koja drže preko 1400 koka nosilica na gazdinstvu nemaju pravo na općinski podsticaj i upućuju se na ostvarivanje podsticaja putem kantonalnog i federalnog ministarstva poljoprivrede, šumarstva i vodoprivrede.

Na Javni poziv se dostavlja popunjen zahtjev koji će sadržavati:

- Ime, prezime, adresa, broj telefona, JMBG ili ID broj;
 - Broj transakcijskog/tekućeg računa i naziv banke u kojoj je otvoren;
 - Broj pilenki ili koka nosilja.
- Broj katastarske parcele na kojoj se nalazi objekat sa kokama nosiljama koja je već upisana u RPG na ime podnosioca zahtjeva.
- Rješenje o upisu u sudski registar za pravna lica ili odobrenje za rad lica koja imaju obrt, od nadležne općinske službe.
- Potvrdu o izmirenim poreskim obavezama za pravna lica i lica koja imaju prijavljen obrt,
- Dokaz o nabavci pilenki ili koka nosilja, (fiskalni račun i poreska faktura na ime kupca za nabavljene pilenke ili koke nosilje i drugi dokazi).

2.4. Podrška novim nasadima jagodičastog i bobičastog voća podignutim od jeseni 2018. do proljeća 2019. godine (malina, kupina, borovnica, aronija, ribizla i jagoda)

Pravo na podsticaj imaju sva pravna i fizička lica koja su u jesen 2018. godine do proljeća 2019. godine podigli novi nasad jagodičastog ili bobičastog voća na površini od minimalno 0,1 ha (dulum).

Visina podsticaja iznosi 200,00 KM po dulumu.

Na Javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg, površina novog nasada;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice, koja je prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;
- Fiskalni račun, poresku fakturu i uvjerenje o zdravstvenoj ispravnosti sadnog materijala za kupljene sadnice voća.

2.5. Podrška za proizvodnju jagodičastog i bobičastog voća u 2019 godini.

Pravo na podsticaj imaju lica koja su prijavila proizvodnju jagodičastog i bobičastog voća u RPG u Općini Zavidovići, koja su predala u otkup u 2019 godini minimalno 300 kg do maksimalno 5000 kg plodova voća i imaju ugovor o otkupu voća zaključen sa određenim pravnim licem.

Visina podsticaja iznosi 0,10 KM po kg predatih plodova u otkup.

Zahtjevi se predaju do 15.10.2019 godine na protokol u Općini Zavidovići.

Na Javni poziv se dostavlja popunjen zahtjev uz koji će se priložiti:

- ovjerena kopija Ugovora sa otkupljivačem,
- Dokaz o predatoj količini u otkup minimalno 300 kg plodova, (ovjerena kopija otpremnice, paragon bloka ili potvrde o otkupljenoj količini).

2.6. Podrška za sadnju voćaka stablašica (šljiva, jabuka, kruška, višnja, lješnjak, trešnja, kalemljeni orah i druge stablašice i voćke u tipu grmova, žbunova i slično)

Pravo na podsticaj imaju sva pravna i fizička lica koja su u jesen 2018. godine i u proljeće 2019. godine kupili i zasadili minimalno dvadeset sadnica zbirno po vrstama voćaka do maksimalno devedeset sadnica voćaka zbirno, računajući i sadnice kalemljenih oraha kojih može biti maksimalno petnaest sadnica. Priznaje se sadnja šljiva, jabuka, krušaka, višanja, lješnjaka, dunja, mušmula, trešanja, kalemljenog oraha i drugih stablašica i grmolikih voćaka. Visina podsticaja je na nivou ukupne cijene koštanja sadnica.

Lica koja su u pomenutom periodu nabavila i zasadila više od petnaest sadnica kalemljenog oraha odnosno više od devedeset sadnica voćaka zbirno, računajući i kalemljene orahe, nemaju prava na općinski podsticaj i upućuju se na ostvarivanje podsticaja putem kantonalnog i federalnog Ministarstva za poljoprivredu, šumarstvo i vodoprivredu.

Na Javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg, zasađena površina i broj sadnica;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice, koja je prijavljena u RPG i RK ili priložiti Listu korištenja iz RPG-a,
- Broj poljoprivrednog gazdinstva i broj klijenta;
- Fiskalni račun, poresku fakturu i uvjerenje o zdravstvenoj ispravnosti sadnog materijala za kupljene sadnice voća.

2.7. Podrška za ugovorenu proizvodnju povrća (paradajz, paprika, krastavac, salata, kupus, kelj, grah, grašak, luk, mrkva, tikva i bundeva), te ljekovitog bilja zasijanog ili zasađenog u jesen 2018. i u proljeće 2019. godine

Pravo na podsticaj imaju sva pravna i fizička lica koja su u jesen 2018 godine i u proljeće 2019. godine izvršili sjetvu ili sadnju povrća i/ili ljekovitog bilja na površini od minimalno 0,05 ha, (pola duluma). Priznati će se sjetva ili sadnja koja je izvršena na području općine Zavidovići i na području Vrbice i Ljeskovice na području općine Žepče, te da je proizvodnja prijavljena u RPG u Općini Zavidovići. Ne priznaje se proizvodnja povrća za lica koja su obuhvaćena projektom sufinansiranja proizvodnje kornišona od strane Općine Zavidovići, kao ni proizvodnja povrća i ljekovitog bilja u plastenicima iz razloga što je ista predviđena pod drugom tačkom ovog programa.

Visina podsticaja iznosi 350,00 KM po 0,1 ha, (dulumu).

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, zasađena površina;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice, koja je prijavljena u RPG i RK na ime podnosioca zahtjeva ili Lista korištenja iz RPG-a.
- Broj poljoprivrednog gazdinstva i broj klijenta;
- Fiskalni račun i poresku fakturu za kupljeno sjeme ili presadnice izdat na ime podnosioca zahtjeva i ugovor o zasnivanju proizvodnje i otkupu povrća koje je zasijano ili zasađeno.

2.8. Podrška za proizvodnju povrća u plastenicima u 2019 godini

Pravo na podsticaj imaju poljoprivredni proizvođači koji posjeduju plasteničku proizvodnju povrća na površini minimalno 100 m² do maksimalno 400 m² i da su istu proizvodnju prijavili u RPG u Općini Zavidovići.

Visina podsticaja iznosi 1,00 KM/m² površine plastenika za lica koja nemaju prijavljenu samostalnu djelatnost u poljoprivredi, odnosno 2,00 KM/m² površine plastenika za pravna lica i lica koja imaju prijavljenu samostalnu djelatnost u poljoprivredi.

Lica koja posjeduju više od 400 m² plasteničke proizvodnje nemaju pravo na općinski podsticaj za plasteničku proizvodnju i upućuju se na ostvarivanje podsticaja putem kantonalnog Ministarstva za poljoprivredu, šumarstvo i vodoprivredu.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, ukupna površina plastenika;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice gdje je plastenička proizvodnja, koja je prijavljena u RPG i RK na ime podnosioca zahtjeva ili Lista korištenja.
- Broj poljoprivrednog gazdinstva i broj klijenta;

2.9. Podrška za proizvodnju žitarica i krmnog bilja (kukuruza, pšenice, ječma, zobi, raži, tritikalea, stočnog graška, stočnog sirka, silažnog kukuruza, djetelinsko travnih smjesa i drugih krmnih kultura na min. 0,3 ha, (tri duluma) do maksimalno 2,0 ha, (dvadeset duluma).

Pravo na podsticaj imaju sva pravna i fizička lica koja su u jesen 2018 godine i u proljeće 2019. godine na području općine Zavidovići, kao i u naseljima Vrbica i Ljeskovića na području općine Žepče zasnovali proizvodnju žitarica i/ili krmnog bilja, na površini od minimalno 0,3 ha do maksimalno 20,0 ha (3 do 20 duluma). Visina podsticaja iznosi 50,00 KM po 0,1 ha, (dulumu), površine.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, zasijane površine;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice, koja je prijavljena u RPG i RK, ili Listu korištenja iz RPG-a, a ukoliko nije prijavljena uz zahtjev priložiti dokaz o vlasništvu ili pravu korištenja zemljišta,
- Broj poljoprivrednog gazdinstva i broj klijenta;
- Fiskalni račun izdat na ime podnosioca zahtjeva za kupljeno sjeme ili fiskalni račun bez imena podnosioca zahtjeva i poreznu fakturu izdatu na ime podnosioca zahtjeva.

2.10. Podrška za proizvodnju gljiva

Pravo na podsticaj imaju sva pravna i fizička lica koja su u proljeće 2019. godine imali proizvodnju jestivih gljiva za tržište, sa ulaganjem u proizvodnju tokom 2019. godine. Visina podsticaja iznosi 1,00 KM po vreći komposta ili sličnoj proizvodnoj jedinici.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, broj proizvodnih jedinica (vreća, panjeva i slično);
- Broj transakcijskog/tekućeg računa i naziv banke u kojoj je otvoren;

- Naziv parcele, broj katastarske čestice na kojoj se nalazi objekat u kome se gljive uzgajaju, a koja Mora biti prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;
- Fiskalni račun i poresku fakturu izdato na ime podnosioca zahtjeva poljoprivrednika za kupljene vreće, proizvodne jedinice i ugovor o otkupu proizvedenih gljiva.

2.11. Podrška za organizaciju izložbe poljoprivrednih proizvoda

Pravo učešća imaju pravna lica sa sjedištem na teritoriji općine Zavidovići.

Novčana sredstva su namijenjena za postavljanje i uređenje štandova, nabavku reklamnog materijala i marketinških rekvizita, te ostale radove i usluge u vezi izložbe. Sredstva će se dodijeliti u skladu sa ugovorom, koji će se potpisati sa odabranim ponuđačem.

Ponuđači imaju obavezu da uz prijavu dostave Program održavanja izložbe, sa troškovnikom, u kojem će navesti sve planirane aktivnosti, uključujući i troškove koje treba finansirati. Izložba će se održati u ljeto ili jesen 2019. godine, na urbanom dijelu Zavidovića, sa jednodnevnim trajanjem.

Prijave će pregledati Komisija, a o rezultatima će biti uredno obaviješteni svi ponuđači.

Elementi koji se boduju:

1. Kvalitet prijave, što podrazumijeva: jasan program sa ciljevima, jasne ciljne skupine, broj učesnika, precizan i realan budžet, ostvarivost;
2. Reference, što podrazumijeva: iskustvo, članstvo, kadrove, partnere u programu;
3. Promocija domaćih poljoprivrednih proizvoda-marketing;
4. Spremnost na vlastito učešće, što podrazumijeva: rad, sredstva i druge resurse .

Maksimalan iznos bodova je 100, od čega:

1. Kvalitet programa nosi do 30 bodova,
2. Reference nose do 20 bodova,
3. Promocija domaćih poljoprivrednih proizvoda nosi do 30 bodova
4. Spremnost na vlastito učešće nosi do 20 bodova.

Samo najbolje rangirana prijava će biti sufinansirana od strane Općine Zavidovići i to do maksimalnog iznosa od 1.500,00 KM. Komisija provodi postupak Javnog poziva i vrši vrednovanja pristiglih prijava na osnovu Sistema bodovanja, koji utvrđuje Općinski načelnik.

Maksimalan broj bodova je 100, a minimalan 70, da bi prijava bila uvrštena na Listu prijava koje zadovoljavaju utvrđene kriterije i imaju potreban broj bodova.

Komisija dostavlja na usvajanje Općinskom načelniku Listu prijava koje zadovoljavaju utvrđene kriterije i imaju potreban broj bodova.

Prijave kojim će subjekti aplicirati na Javni poziv treba da budu dostavljene na aplikacionim obrascima pripremljenim po ovim Kriterijima. Prijave moraju biti potpisane od strane odgovornog lica i sa pečatom podnosioca zahtjeva.

Uz prijavu i Program organizacije izložbe dostavljaju se: Izvod iz Registra pravnog lica i Rješenje Ministarstva za pravosuđe i upravu ZE-DO kantona ili drugog nadležnog organa u BiH o registraciji, te kopija Uvjerenja o poreskoj registraciji (identifikacioni broj) i ugovor s bankom o otvaranju transakcijskog računa.

Sa pravnim licem čija prijava bude odabrana kao najbolja, Općinski načelnik će potpisati Ugovor o organizovanju Izložbe domaćih poljoprivrednih proizvoda u Zavidovićima za 2019. godinu.

Prijave sa priloženim dokumentima treba dostaviti u zatvorenoj koverti, putem pošte, ili lično po uputstvu i sa rokovima iz Javnog poziva za podsticaje u poljoprivredi u 2019 godini.

2.12. Podrška za kupovinu poljoprivredne mehanizacije, uređaja ili opreme vrijednosti preko 500,00 KM

Pravo na podsticaj imaju poljoprivredni proizvođači koji su kupili novu poljoprivrednu mehanizaciju, ili druge poljoprivredne uređaje ili opremu, kao i opremu za preradu poljoprivrednih proizvoda. Poljoprivrednici moraju posjedovati određenu poljoprivrednu proizvodnju, ratarsku, povrtlarsku, voćarsku ili stočarsku proizvodnju na gazdinstvu koja je ujedno prijavljena u RPG.

Pravo na podsticaj imaju i poljoprivredni proizvođači koji su kupili polovnu, korištenu, poljoprivrednu mehanizaciju i to samo traktor ili motokultivator uz ugovor u kupoprodaji ovjeren kod notara i dokaz o vlasništvu mehanizacije naslovljen na prodavača, (saobraćajna dozvola ili fiskalni račun i porezna faktura o kupovini mehanizacije za neregistrovanu mehanizaciju i za opremu). Kupci polovne, korištene, mehanizacije, poljoprivrednici, moraju posjedovati određenu poljoprivrednu proizvodnju, ratarsku, povrtlarsku, voćarsku ili stočarsku proizvodnju na gazdinstvu koja je ujedno prijavljena u RPG na ime podnosioca prijave za podsticaj.

Visina podsticaja iznosi 30 % za podnosioc zahtjeva vlasnike samostalnih djelatnosti u poljoprivredi, a za ostala fizička lica i za pravna lica podsticaj iznosi 20 % od cijene kupljene nove mehanizacije, opreme i uređaja sa fiskalnog računa i porezne fakture koji moraju biti naslovljeni na ime podnosioca prijave na Javni poziv, odnosno 20 % od tržišne cijene polovne mehanizacije. Tržišnu cijenu polovne, korištene, mehanizacije za traktore i kultivatore će utvrditi komisija za općinske podsticaje u poljoprivredi na osnovu starosti i stanja polovne mehanizacije.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, ID broj;
- Vrsta proizvodnje koju je kupac prijavio u RPG u Općini Zavidovići,
- Broj transakcijskog/tekućeg računa i naziv banke u kojoj je otvoren;
- Naziv mehanizacije, uređaja i opreme i ukupan iznos koji je plaćen pri kupovini iste,
- Broj poljoprivrednog gazdinstva i broj klijenta;
- Ovjerena kopija fiskalnog računa i porezne fakture naslovljene na ime podnosioca zahtjeva za kupljenu novu mehanizaciju, opremu i uređaje. Priznaće se računi izdati u periodu od 16. Maja 2018. do 15. Maja 2019. godine.
- Ovjerenu kopiju kupoprodajnog ugovora za polovnu, korištenu opremu i mehanizaciju traktor ili motokultivator sa dokazom o vlasništvu, ovjerenom kopijom saobraćajne dozvole ili fiskalnog računa i porezne fakture od prodate opreme i mehanizacije naslovljeno na prodavca. Kupoprodajni ugovor za polovnu opremu i mehanizaciju mora biti zaključen u periodu od 30. Juna 2018 do 15. Maja 2019 godine.

2.13. Podrška za sufinansiranje kamata za kredite u poljoprivrednoj proizvodnji

Pravo na sufinansiranje kamata na podignute kredite za poljoprivrednu proizvodnju imaju lica koja su podigla kredit do maksimalno 70 000,00 KM u periodu od 30.6.2018 godine do 15.5.2019 godine, uz uslov da su prije toga registrovala samostalnu djelatnost iz primarne poljoprivredne proizvodnje kao osnovno zanimanje ili da su registrovala preduzeće za poljoprivrednu proizvodnju, kao i da ista lica imaju zasnovanu neku od primarne poljoprivredne proizvodnje i to: govedarsku, ovčarsku, povrtlarsku ili voćarsku proizvodnju.

Lica koja traže sufinansiranje kamata moraju biti prijavljena u RPG u Općini Zavidovići na ime obrta ili preduzeća i moraju imati prijavljenu poljoprivrednu proizvodnju u istom RPG.

Slijedeći uslov za sufinansiranje kamata je da je korisnik kredita namjenski utrošio sredstva od kredita kako slijedi: za izgradnju ili dogradnju štalskih i sličnih gospodarskih objekata, kupovinu stoke, kupovinu mehanizacije i opreme za govedarsku ili ovčarsku proizvodnju, nabavku i instaliranje opreme za navodnjavanje u voćarstvu i povrtlarstvu, kupovinu novih plastenika i staklenika, izgradnju prilaznih puteva i staza na imanju.

Sufinansiranje kamata vršiće se do maksimalno 50 % uplaćenog iznosa jednogodišnje kamate koja je uplaćena u periodu od 30.6.2018 do 01.12.2019 godine.

Na Javni poziv se dostavlja popunjen zahtjev koji sadrži:

- ime ili naziv podnosioca zahtjeva, adresa, broj telefona, jmbg, vrsta proizvodnje na gazdinstvu,
- Broj transakcijskog/tekućeg računa i naziv banke u kojoj je otvoren;
- Ovjerena kopija rješenja o registraciji samostalne djelatnosti ili preduzeća,
- Broj poljoprivrednog gazdinstva i broj klijenta;
- Ovjerena kopija ugovora o kreditu sa obračunom iznosa glavnica, rata, kredita i kamata,
- Dokazi o uplati glavnica i kamata kredita, potvrda od banke i kopije uplatnica,
- Dokaz o namjenskom utrošku sredstava od kredita: fiskalni računi i poreske fakture za materijale, mehanizaciju, opremu i slično, ugovori o kupovini grla stoke sa stočnim pasošima i veterinarskim potvrdama o kretanju životinja, ovjerene izjave o izvršenim radovima ili ugovor o izvršavanju radova sa građevinskom firmom.

Zahtjevi za sufinansiranje se predaju u roku koji je utvrđen ovim javnim pozivom dok se dokazi o uplati glavnica i kamata mogu dostavljati do 01.12.2019 godine u nadležnu općinsku službu.

2.14. Podrška za sufinansiranje projekata u poljoprivredi koji se realizuju tokom 2019 godine

Općina Zavidovići će podržati projekat proizvodnje kornišona za 40 korisnika poljoprivrednih proizvođača koji se realizuje zajedno sa CRS Sarajevo, RAZ Zavidovići i OZ „Za plod“ Zavidovići.

Općina Zavidovići će sufinansirati navedeni projekat sa uplatom sredstava u iznosu od 30 000,00 KM na račun RAZ-a Zavidovići nakon što svi učesnici projekta potpišu određeni ugovor o prihvatanju i realizaciji projekta, gdje bi učešće Općine Zavidovići iznosilo 40 % od ukupne vrijednosti projekta.

2.15. Podrška za izvršenu agropedološku analizu poljoprivrednog zemljišta

Pravo na podsticaj imaju sva pravna i fizička lica koja su upisana u RPG u Općini Zavidovića, izvrše kod ovlaštenog lica maksimalno do tri osnovne agropedološke analize na maksimalno tri katastarske parcele poljoprivrednog zemljišta koje je upisano u RPG-u na ime podnosioca zahtjeva do 31.03.2019 godine i imaju određenu biljnu proizvodnju takođe prijavljenu u RPG do 31.03.2019 godine na ime podnosioca zahtjeva. Visina podsticaja iznosi 80 % od zbirne ukupne cijene izvršene analize poljoprivrednog zemljišta.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, broj izvršenih analiza i ukupan iznos koštanja analize;
- Broj transakcijskog/tekućeg računa i naziv banke u kojoj je otvoren;
- Naziv i broj parcele, ili parcela, na kojoj su vršene analize i vrsta biljne proizvodnje kojom se do sada bavio podnosilac zahtjeva

- Broj poljoprivrednog gazdinstva i broj klijenta;
- Izvještaj o provedenoj agropedološkoj analizi poljoprivrednog zemljišta sa fiskalnim računom i poreskom fakturom izdatom na ime podnosioca zahtjeva poljoprivrednika.

2.16. Rezervna sredstva

Rezervna sredstva se mogu rasporediti na podsticaj poljoprivrednicima za nepredviđene stavke iz ovog Programa a prije svega za:

- Eventualne administrativne greške u isplati podsticaja iz perioda dodjele općinskih podsticaja tokom 2018 godine,
- Iznenađna uginuća stoke kod poljoprivrednih proizvođača prijavljenih u RPG u Općini Zavidovići,
- Opravdane aktivnosti udruženja poljoprivrednika iz 2018, prije svega u organizovanju i posjeti izložbi i sajmovu poljoprivrednih proizvoda, koje nisu podržane u 2018 godini.
- Druge opravdane zahtjeve.

OBAVEZE SVIH KORISNIKA NAKON OSTVARIVANJA PODSTICAJA:

Svaki korisnik podsticaja dužan je dobijena sredstva namjenski iskoristiti. Ukoliko se konstatuje da je korisnik podsticaja dobio sredstva na osnovu netačnih podataka ili ako su nenamjenski utrošena, korisnik gubi pravo da konkuriše za bilo koju vrstu podsticaja u razdoblju od pet godina, a nenamjenski utrošena ili prevarom dobijena sredstva će morati vratiti. Ovu kontrolu će vršiti Komisija koju formira Općinski načelnik tokom dodjele podsticajnih sredstava za svaku godinu.

Evidenciju svih korisnika podsticajnih sredstava iz budžeta Općine Zavidovići i podatke o namjenskom utrošku sredstava će voditi Služba za upravu poljoprivrede, vodoprivrede i komunalnih poslova.

Završne odredbe:

- Komisija imenovana od strane Općinskog načelnika će odlučivati o usklađenosti zahtjeva sa programom, izvršenim upisima poljoprivrednika, korisnika podsticaja, u RPG i RK i prijavi poljoprivrednih površina u RPG i RK na koje se traži podsticaj, te će vršiti provjere na terenu po sistemu slučajnih uzoraka, a ukoliko obim poslova dozvoljava vršiće se kontrola svih poljoprivrednika na terenu, i nakon toga donijeti prijedlog preliminarne i konačne liste podsticaja.
- Sve evidencije o korisnicima podsticaja vodi Služba za upravu poljoprivrede, vodoprivrede i komunalnih poslova.
- Ukoliko se pojavi veći broj kandidata koji ispunjavaju uslove za podsticaje po određenim modelima, ukupan iznos podsticaja predviđen programom i javnim pozivom dijeli se na ukupan broj prijavljenih kandidata koji ispunjavaju uslove, tako da iznos podsticaja po jedinici mjere u tom slučaju može biti i manji nego što je predviđen.
- Ukoliko određeni iznos podsticaja po nekom od modela ostane neiskorišten, Općinski načelnik zadržava pravo preraspodjele novčane sume na neki od drugih modela podsticaja.
- Obrazac zahtjeva za podsticaje će izraditi nadležna služba Općine Zavidovići, a aplikanti će ga moći preuzeti na info-pultu Općine.

- Općinski načelnik zadržava pravo da umanju iznos podsticaja po pojedinim ili svim modelima ukoliko izvršenje budžeta bude manje od planiranog.
- Određuje se limit po jednom korisniku podsticaja od 2.000,00 KM kao maksimalni iznos za ostvarivanje podsticajnih sredstava po svim modelima podsticaja iz Budžeta Općine Zavidovići za 2019. godinu.

PO OVLAŠTENJU OPĆINSKOG
NAČELNIKA broj 02-34-682/19-AP-13
Od 18.04.2019 godine
POMOĆNIK NAČELNIKA ZA UPRAVU
CIVILNE ZAŠTITE
Remzo Šogolj, dipl.ing.geodezije